



SIARAN AKHBAR

INDEKS SENTIMEN PERNIAGAAN (BUSINESS SENTIMENT INDEX) BAGI NEGARA BRUNEI DARUSSALAM BAGI DISEMBER 2024

1. Brunei Darussalam Central Bank (BDCB) telah menerbitkan Indeks Sentimen Perniagaan atau Business Sentiment Index (BSI) Negara Brunei Darussalam bagi Disember 2024. Indeks ini adalah berdasarkan kaji selidik ke atas hampir 500 buah perniagaan bersaiz mikro, kecil, sederhana, dan besar dari 11 sektor ekonomi di kesemua daerah di Negara Brunei Darussalam.
2. BSI bertujuan untuk mengukur tahap sentimen atau keyakinan perniagaan di Negara Brunei Darussalam dalam berbagai aspek termasuk keadaan semasa dan jangkaan bagi iklim perniagaan, pelaburan, pengambilan pekerja, dan kos menjalankan perniagaan. Memandangkan BSI menggunakan pendekatan berpandangan ke hadapan, indeks ini boleh digunakan sebagai salah satu petunjuk awal keadaan makroekonomi negara.
3. Keterangan indeks adalah seperti berikut:

| Nilai BSI | Ulasan |
|-----------|--|
| Atas 50 | Keadaan yang lebih baik / Sentimen lebih optimistik berbanding dengan bulan sebelumnya |
| 50 | Keadaan lebih kurang sama berbanding dengan bulan sebelumnya |
| Bawah 50 | Keadaan yang merosot / Sentimen lebih pesimistik berbanding dengan bulan sebelumnya |

4. Indeks utama BSI, iaitu **Sub-indeks Keadaan Perniagaan** adalah 50.0 bagi Disember 2024, menunjukkan bahawa, secara amnya, keadaan perniagaan adalah lebih kurang sama dengan November 2024. Kebanyakan perniagaan mengongsikan kesan musim cuti persekolahan terhadap prestasi perniagaan mereka, dengan sentimen yang berbeza-beza direkodkan di kalangan sektor yang berlainan. Sentimen positif dikongsikan oleh perniagaan berkaitan dengan perjalanan, perniagaan yang menyertai acara-acara semasa penghujung tahun, dan perniagaan yang mengadakan promosi-promosi akhir tahun dan kembali ke sekolah. Sementara itu, pendapat pesimistik secara amnya adalah berkaitan dengan kelembapan keadaan pasaran, dengan perniagaan menjangka kecenderungan para pengguna untuk melancong ke luar negara semasa musim percutian yang seterusnya akan menurunkan perbelanjaan dalam negara. Sesetengah perniagaan yang lain juga mengongsikan pengurangan dalam projek baharu dan aktiviti berikutnya kerja mengambil cuti, dan isu berkaitan cuaca juga menyumbang kepada punca sentimen pesimistik pada Disember 2024. Indeks keadaan perniagaan bagi satu bulan (1M) ke hadapan di tahap 50.4, menunjukkan jangkaan keadaan perniagaan yang lebih baik pada bulan Januari 2025 berbanding dengan Disember 2024. Secara amnya, kebanyakan perniagaan menganggap tahun

baharu ini sebagai permulaan yang baik dengan berakhirnya musim percutian serta jangkaan prestasi jualan yang akan meningkat dengan perbelanjaan bonus tahunan pada bulan Januari 2025. Ini juga termasuk perbelanjaan semasa Pesta Pengguna dan Ekspos Perdagangan Ke-30 serta sambutan Tahun Baharu Cina pada bulan yang sama.

5. **Sub-indeks Pelaburan** adalah 50.1 bagi Disember 2024, 50.0 untuk satu bulan ke hadapan, dan 50.1 bagi tiga bulan ke hadapan. Ini menunjukkan bahawa perniagaan menjangka sedikit peningkatan dalam pelaburan pada Disember 2024, dan akan mengekalkannya bagi Januari 2025. Bagi sebahagian perniagaan, peningkatan ini adalah untuk menambah stok inventori seperti bulan-bulan sebelumnya. Sebaliknya, syarikat yang berdasarkan projek memberi tumpuan kepada melengkapkan projek akhir tahun dan kerja-kerja pengubahan yang sedang berjalan, dan tidak mempunyai keperluan segera untuk meningkatkan tahap pelaburan hingga selepas bulan Ramadhan apabila projek-projek baharu yang dijangka akan bertambah. Secara amnya, perniagaan menjangka akan menambah inventori pada bulan Mac 2025 bagi persiapan untuk peningkatan dalam permintaan sempena sambutan Hari Raya Aidilfitri.
6. **Sub-indeks Pengambilan Pekerja** adalah 50.2 bagi Disember 2024 dan 50.3 bagi satu bulan ke hadapan. Meneruskan tren seperti bulan-bulan sebelumnya, perniagaan menjangka akan terus mengambil pekerja sepenuh masa dan sambilan baharu pada bulan Disember 2024 dan Januari 2025. Ini adalah untuk memenuhi keperluan projek dan acara-acara baharu atau yang sedang berjalan. Sebahagian perniagaan juga mengongsikan keperluan untuk menambah jumlah pekerja dalam bahagian-bahagian yang tertentu seperti teknologi maklumat dan pentadbiran dan akan terus mengambil tenaga kerja untuk mengganti kakitangan yang berhenti mengambil kira kadar pusing ganti pekerja yang tinggi.
7. **Sub-indeks Kos Perniagaan** adalah 50.2 bagi Disember 2024 dan 49.9 bagi satu bulan ke hadapan. Secara amnya, perniagaan menjangka peningkatan dalam kos operasi pada Disember 2024 berbanding dengan bulan sebelumnya disebabkan oleh pelbagai faktor termasuk acara-acara akhir tahun untuk pekerja, pembayaran bonus untuk pekerja, aktiviti-aktiviti promosi, pembelian bahan-bahan mentah, perbelanjaan berkaitan dengan penyelenggaraan tahunan, dan kos penghantaran yang lebih tinggi pada hujung tahun. Bagi Januari 2025, perniagaan menjangka penurunan kos operasi ke tahap normal dan pengurangan dalam perbelanjaan berkaitan tenaga kerja berbanding dengan Disember 2024.

| BSI Disember 2024 | |
|---|------|
| Keadaan Perniagaan | 50.0 |
| Keadaan Perniagaan Satu Bulan ke Hadapan | 50.4 |
| Pelaburan | 50.1 |
| Pelaburan Satu Bulan ke Hadapan | 50.0 |
| Pelaburan Tiga Bulan ke Hadapan | 50.1 |
| Pengambilan Pekerja | 50.2 |
| Pengambilan Pekerja Satu Bulan ke Hadapan | 50.3 |
| Kos Perniagaan | 50.2 |
| Kos Satu Bulan ke Hadapan | 49.9 |

8. Dari segi **sektor ekonomi**, hanya dua daripada 11 sektor berpandangan optimistik pada Disember 2024. Sektor Pengangkutan & Komunikasi mencatat indeks optimistik tertinggi pada tahap 50.7 didorong oleh peningkatan perjalanan penumpang dan penyewaan kenderaan semasa musim percutian, serta permintaan yang lebih tinggi untuk perkhidmatan penghantaran. Sektor Pembuatan turut optimistik bagi bulan Disember 2024 dengan adanya pelbagai acara yang membawa permintaan yang lebih tinggi dan prestasi yang lebih baik. Sebaliknya, lima sektor melaporkan pandangan pesimistik, terutamanya sektor Kesihatan & Pendidikan pada tahap 49.2 disebabkan oleh musim cuti persekolahan. Sektor-sektor pesimistik yang lain adalah Perkhidmatan Swasta Lain, Kewangan & Insurans, Pembinaan, dan Pertanian, Perhutanan, Perikanan & Ternakan yang mengongsikan kebimbangan mengenai keadaan perniagaan yang lembap semasa musim percutian. Faktor-faktor lain yang dilaporkan termasuk jangkaan penangguhan projek dan pesanan bagi beberapa perniagaan, kekurangan atau ketiadaan projek, dan keadaan cuaca yang buruk sepanjang bulan Disember 2024. Sementara itu, sektor Minyak & Gas dan yang Berkaitan, sektor Perdagangan Borong & Runcit, sektor Harta Tanah & Pemilikan Kediaman dan sektor Hotel & Restoran menjangka keadaan perniagaan yang lebih kurang sama dengan November 2024.

| Keadaan Perniagaan Disember 2024 Mengikut Sektor | |
|--|------|
| Pengangkutan & Komunikasi | 50.7 |
| Pembuatan | 50.1 |
| Hotel & Restoran | 50.0 |
| Minyak & Gas dan yang Berkaitan | 50.0 |
| Harta Tanah & Pemilikan Kediaman | 50.0 |
| Perdagangan Borong & Runcit | 50.0 |
| Kewangan & Insurans | 49.9 |
| Perkhidmatan Lain | 49.9 |
| Pembinaan | 49.8 |
| Pertanian, Perhutanan, Perikanan & Ternakan | 49.7 |
| Kesihatan & Pendidikan | 49.2 |

9. Dari segi indeks mengikut **saiz perniagaan**, perniagaan dari semua saiz – besar, sederhana, kecil dan mikro – melaporkan indeks pada tahap 50.0, menunjukkan secara amnya, sentimen bagi bulan Disember 2024 hampir sama dengan bulan sebelumnya. Walau bagaimanapun, hasil kaji selidik menunjukkan perbezaan yang ketara dalam sentimen di peringkat sektor, dengan faktor-faktor seperti musim cuti persekolahan dan musim puncak perjalanan, serta cabaran khusus kepada sebahagian industri mempengaruhi sentimen perniagaan secara signifikan.

| Keadaan Perniagaan Disember 2024 Mengikut Saiz | |
|--|------|
| Mikro | 50.0 |
| Kecil | 50.0 |
| Sederhana | 50.0 |
| Besar | 50.0 |

10. Carta untuk BSI dan sub-indeksnya sejak bulan Ogos 2020 adalah di **LAMPIRAN 1**. Untuk mendapatkan maklumat lebih terperinci mengenai BSI, orang ramai boleh merujuk kepada nota teknikal mengenai

metodologi dan statistik di laman web BDCB di www.bdcb.gov.bn. Orang ramai juga boleh mengikuti perkembangan BSI melalui siaran akhbar yang akan datang dan akaun Instagram BDCB @centralbank.brunei.

Brunei Darussalam Central Bank


Tarikh: **23 Rejab 1446H / 23 Januari 2025M**
Ruj: BDCB/COMMS/3

LAMPIRAN 1



Nota: Bagi Keadaan Perniagaan Satu Bulan ke Hadapan, indeks menunjukkan jangkaan keadaan perniagaan satu bulan ke hadapan berbanding bulan ini. Bagi Keadaan Perniagaan, indeks yang melebihi 50 menunjukkan keadaan yang lebih baik / sentimen lebih optimistik berbanding bulan sebelumnya. Indeks pada paras 50 menunjukkan keadaan lebih kurang sama berbanding bulan sebelumnya dan indeks yang kurang daripada 50 menunjukkan keadaan yang merosot / sentimen lebih pesimistik berbanding bulan sebelumnya.


Pelaburan



Nota: Bagi Pelaburan Satu Bulan ke Hadapan, indeks menunjukkan jangkaan pelaburan satu bulan ke hadapan berbanding bulan ini manakala Pelaburan Tiga Bulan ke Hadapan, indeks menunjukkan jangkaan pelaburan tiga bulan ke hadapan berbanding bulan kaji selidik dikendalikan.

Bagi Pelaburan, indeks yang melebihi 50 menunjukkan peningkatan pelaburan berbanding bulan sebelumnya. Indeks pada paras 50 menunjukkan keadaan lebih kurang sama berbanding bulan sebelumnya dan indeks yang kurang daripada 50 menunjukkan pengurangan pelaburan berbanding bulan sebelumnya.


Pengambilan Pekerja



Nota: Bagi Pengambilan Pekerja Satu Bulan ke Hadapan, indeks menunjukkan jangkaan pengambilan pekerja satu bulan ke hadapan berbanding bulan ini.

Bagi Pengambilan Pekerja, indeks yang melebihi 50 menunjukkan penambahan jumlah pekerja berbanding bulan sebelumnya. Indeks pada paras 50 menunjukkan lebih kurang sama /tiada perubahan ke atas jumlah pekerja berbanding bulan sebelumnya dan indeks yang kurang daripada 50 menunjukkan pengurangan jumlah pekerja berbanding bulan sebelumnya.


Kos



Nota: Bagi Kos Satu Bulan ke Hadapan, indeks menunjukkan jangkaan kos perniagaan satu bulan ke hadapan berbanding bulan ini. Bagi Kos Perniagaan, indeks yang melebihi 50 menunjukkan peningkatan kos.


Indeks pada paras 50 menunjukkan kos yang lebih kurang sama berbanding dengan bulan sebelumnya dan indeks yang kurang daripada 50 menunjukkan penurunan kos.

BSI mengikut sektor ekonomi bagi Ogos 2020 hingga Disember 2024



Nota: Indeks yang melebihi 50 menunjukkan keadaan yang lebih baik / sentimen lebih optimistik berbanding bulan sebelumnya. Indeks pada paras 50 menunjukkan keadaan lebih kurang sama berbanding bulan sebelumnya dan indeks yang kurang daripada 50 menunjukkan keadaan yang merosot / sentimen lebih pesimistik berbanding bulan sebelumnya.

Sentimen Menurut Saiz Perniagaan



Nota: Indeks yang melebihi 50 menunjukkan keadaan yang lebih baik / sentimen lebih optimistik berbanding bulan sebelumnya. Indeks pada paras 50 menunjukkan keadaan lebih kurang sama berbanding bulan sebelumnya dan indeks yang kurang daripada 50 menunjukkan keadaan yang merosot / sentimen lebih pesimistik berbanding bulan sebelumnya.